

挽邪歸正

凡希仙學道之士忠孝爲本利濟爲先廣積陰功救拔人物自然學道得成求仙有遇必須苦志玄門和光遁跡混俗同塵廣求博覽參訪至士探究玄微洞曉陰陽深達造化不可習務爐火燒鍊以虛度光陰不可行邪法以誑惑愚迷損其功誤其行難證無爲清淨之基焉躋希夷衆妙之域切勿輕入傍門妄投邪徑近今多以女人爲鼎器採取三峰以產戶爲生門妄求藥餌或伏氣於三田假以梅子之稱或薰氣於臍中贖以紅鉛之號捱唇啞舌豈得長生摩股撫琴安能久視嬰口血餅實曰胎毒剪斷臍蒂胡云一氣運息存想俱屬後天有爲吐故吸新亂

道藏輯要

至道心傳

四

危集六
X上り

道先天正氣屈伸導引變生癰腫惡毒能經鳴躋鼓動三焦邪火殮霞絕粒肌瘦尪羸絕頂居岩虛生濕脹或鍊五金八石昇取精華以爲神丹服食不識正宗徒勞形痿妄談玄妙一問痴迷妄引丹經竹破須將竹補宜休妻謾遣陰陽隔等語以證其邪殊不知火生於木禍發必尅精生於身情動必潰此係走方遊棍之徒索人衣食無計惑人見大道正理無人可盡捏以淫術誑惑富貴者或提精動火傷目者有之或逆精成淋便毒者有之不肯自思已錯更將錯路教人深爲可恨蓋不知古仙妙用大隱居屢對境忘境居塵出塵了無掛礙每日將過去未來見在三心盡忘頓卻虛其心實其腹凝其神守其中工夫已到

自然精滿不思慾氣滿不思食神滿不思睡入室下手不靜而
靜神炁歸根黍米凝空脫胎神化遨遊海島昇入仙都近之迷
者一毫功行未積精氣未完便求下手縱炁感神交惟一幻丹
耳昔漢武帝酷好神仙之學禱祭名山懇求不止後感王母降
臨帝俯伏求度王母曰子禱祭名山可謂勤矣勤而不獲實有
由也子之心地不清其性淫其性酷其性貪其性暴取女子爲
鼎以歌姬爲樂傷神亂性宮娥滿目縱形不交而神氣先耗身
有浮肉內本空虛豈可守富貴而得仙乎未之有也可授子五
岳真形將來亦得尸解掩世故學者廣覽神仙通鑑歷代神仙
皆清淨無爲而成豈是有爲有相渣質之物而成之乎經云錯
道藏輯要

至道心傳

五

危集六
川文×

路教人行永劫墮迷津諺云世無肥胖仙人富貴道士又曰吾
道先苦而後樂眾生先樂而後苦誠哉是言也學者思之